



Inatsisartunut ilaasortaq Naaja H. Nathanielsen (IA)

Kinaassutsimik ersersitsisuunngitsumik ilisimasamik ingerlatseqqissinnaanermut periarfissiinissamut tunngatillugu apeqqtinnut akissutit

Asasara Naaja H. Nathanielsen

Inatsisartut suleriaasianni § 37 naapertorlugu apeqquteqaatinik makku-ningga Naalakkersuisunut saqqummiussivutit:

9. juli 2013

Postboks 1037
3900 Nuuk
Oqarasuaat (+299) 34 50
00
Fax :+299 32 46 14
E-mail: oed@nanoq.gl

1. Naalakkersuisut isumaat naapertorlugu pisortatigut kinaassutsimik ersersitsisuunngitsumik ilisimasamik ingerlatseqqissinnaanermut periarfissiinissamut pisariaqartitsisoqarpa? (Aamma whistleblow-imik taaneqartartumut)

Pisortani sulisut iliuutsiminnut/aalajangiinerminnut akisussaati-taasarput. Nalunaaruteqarsinnaatitaanerup pilersinneqarneratigut pisortat ingerlatsineranni inatsisaatsuliornerujunnartut pissusissamisuunngitsulluunniit malugineqarsinnaatitalersissinnaavaat. Taamatut aqqissuussisoqarneratigut nalunaarutigineqartut paasi-niaavigisalernissaat nalunaaruteqartullu illersugaasalernissaat pisariaqalersissavaat. Naalakkersuisut eqqarsaatersuutigaat 2014-imi nalunaaruteqarsinnaatitaanermut aalajangersimasumik siun-nersuuteqarnissartik.

2. Naalakkersuisut isumaat naapertorlugu pisortatigut allaffis-sornerup iluani pisunut isornartunut unioqquitsisunullu sulisut killiligaanani oqaaseqarsinnaanerminnut tikkuartuisin-naanerminnullu pisussaaffeqarnerannik naammattumik ilisi-matinneqartarnerlutik?

Kalaallit Nunaanni inatsisitigut innuttaasut oqaaseqarsinnaatita-nerat isumannaagaavoq tamannalumi aamma pisortani sulisunut atuuportaaq. Assersuutigalugu pisortani sulisup inatsisinik unioq-quitsilluni naalakkiut tiguguniuk inatsisinilluunniit unioqquitsineru-nersoq nalornissutigiguniuk pineqartup naalakkani tamatumingga ilisimatissallugu pisussaaffigaa. Naalakkersuisut isumaqarput pisortani sulisut pissutsit tamakku ilisimagaat.

3. Naalakkersuisut isumaat naapertorlugu sulisut isornartorsi-uisinnaanerminnut arlaatigut killeqartinneqarnerlutik?

Sulisut isornartorsiuviumannginnissaannut arlaatigut pissutissaqartoqartarsinnaavoq. Assersuutigalugu pissutsit iternga tikilugu misissorneqarsinnaanerat nalornissutigineqarsinnaavoq, sulisup pissutsit naammaginangitsut uparuassagaluarpagit.

Tamakku saniatigut nalorninartoqarsinnaavoq suliffeqarfimmi isornartorsiuinernut iliuuserisartagassat erseqqissunik tunaartari-sassaqartitaannginnerannik pissuteqartumik.

Inussiarnersumik inuulluaqqusillunga

Vittus Qujaukitsoq
Aningaasaqarnermut Nalakkersuisoq